

仙樂集卷之三

第三

神山無為應緣長生子劉處玄造

四言頌

述懷

功成身退清居養浩臨水依山閑看莊老地
有松筠四時常好洞天深處要行便到修真
靈驗命住見効舊業消亡新愆莫造真崇至
道與世顯倒歸去淵明先遊蓬島迷了輪回
仙鄉無惱古今達士因通三教

又

無始已來死沉萬祖天元將盡黃蘇救苦千
千一二真心肯悟意無憎愛高具見許人生
百歲只尋生路積業如山難越陰府十惡罪
重永居苦處陽功陰行怎生作做普生救信
莫起別慮世財小可真實之語要動天地清
靜養素臨臨幾日行行住住暗有吏神晝夜
察法察得無私五師來度上奉天皇洪禧廣
布再親三先後死難過

又

百千禧助名傳萬古合宅全家意如龐許德

孝兩成為人貴富預修性命永無病苦出難
生滅不來不去大羅仙鄉得道常住天光霞
彩化成寶所六錄衣掛朝元異路闕苑蓬山
真仙會處過了天元道緣難過三教無分全
真門戶無為應為誘人開悟清平功行真非
拾取陰陽之外先天之祖

又

伺候到來即合參拜心交淡常意想不怪條
忽門東相別二載山水依然人多不在命如
珠露怎得無壞生在中華數盡難再寸靈道
寶萬金難買未盡貪爭都緣恩愛名利四業
人人都解却明道德真通法海祥煙瑞氣結
成雲蓋信步和峯神超雲外世偽知空死生
事大洞天晴隱無拘自快幹運沖和二儀交
泰達了希夷真昇陽界做做許龐無思無害

又

百歲人生七旬稀少世偽知空何時有了大
道自然清平是妙萬物無怨勝如作鼎古今
世夢頓明真曉識破浮生總歸一笑性命之
外生前好掉

又

為官清正真無罪病上有四恩積行善敬忠
孝治民靜心養性意不外遊自然神定掩惡
揚善非言莫聽去除憎愛常行平等弗戀世
華間步松徑綠水青山洞天仙景本來面目
鍊磨如鏡明今照古守道自省功德周圓大
羅朝聖

又

人生七古今稀少世夢知虛都歸一笑開
裏尋閑忘機是了萬種空華轉頭虛矯真崇
道德漸通玄妙意除憎愛勝修大離身中性
命一事非小似做清平陰公難叫

又

無中明有妙通神呪玉液瓊漿重樓上有醒
時清真命延福壽金剛四句經中慈救天道
難言無形不朽顛倒陰陽卯昇見酉希夷自
然三光靈秀闍苑仙花勝春花柳運轉南辰
慧觀北斗大達無為任從飛走

又

閑念真經勝言非是萬事知空閑然不二敬

真無退了明仙子松竹為隣守道清志始終
弗變天機暗賜妙覺真常俱忘動止亘初容
貌有形難似陰陽之外出離生死

又

子母相逢自然明道敬信真心歸依三教憎
愛去除應變通奧意泯貪爭無罪無惱命似
珠露修行宜早認得亘靈未弗生老頓覺微
光雲路便到松峯樂道隨緣一飽結就未鉛
養成內貌功行雙全真昇蓬島

又

○示用百貫買樹四株莫強他求只助功夫未
見之事少實多虛自願結緣敬信不無萬中
有一福行有餘武官仙觀粉額靈虛

出家冷七翁昇化親族重辦齋道場

叮囑道人不得要看經錢

看經無錢只喫齋飯羽衣自願道場好看至
德洪禧掩非人讚未了真修多少魔難眼前
聲聞理明虛幻口心相應世間希罕慈救衆
生總超彼岸覺性沖和金相間鍊就真形
一衝雲漢

又

父母生前幾箇真知人言上壽中壽者稀自
幼至老有悟有迷福愆兩事逐性相隨身如
月缺命全無虧明道弗妄了真何疑靈光透
出便見霄梯慧觀八極撒手東西天道難言
實妙希夷既通福行鬼使難追洞天咫尺間
苑瑤池自然寶劍常鎮蛇龜物物無著三界
超離脫殼真去空外雲歸

又

名韃利鎖燒身猛火究債恩情素緣難越積
禍如山志成道果頓省性命競甚人我世為
知空般般可可相近六旬萬種識破兒孫更
多難營這箇福來爭要災病自卧古今生滅
前程會麼虛空賢聖怎生護那新愆不造陰
公饒過日沒之光息慮休何實心敬信哩咬
哩囉波波劫劫弗如閑坐從前失錯悔恨推
挫常行清善勝施財貨

又

四面青城似列圍憐佛仙隱處眼界寬明未
能達道開看真經自然萬慧覺了無生無為

至行無愛無憎常清常淨氣鍊神靈古今悟
者依此起昇闕非闕是耳畔休聽始終敬信
福德雙成外如愚魯亘貌惺惺清虛忘世意
厭浮榮

又

衆生苦海漂沉萬載叛骨如山恩極變害人
世忙忙幾箇悟解石爛松枯亘靈常在身似
浮漚未了究債頓覺希夷真忘欲愛命耀光
圓神昇天外大道無形古今弗壞積寶過斗
妙玄難買出却陽陰一無星礙二物沖和自
然交泰養就胎仙淨清沒賽求免去來逍遙
真快水簾洞隱飛泉千派松峯樂道真居陽
界也無生老亦無成敗昔遇王馬中華曾拜
他年蓬島相逢又再

又

太上符籙二十四階道藏要妙寶壇常開天
元傳授點化仙材真修性命偽養形骸迷沉
六道悟去無來虛空賢聖救世心哀清魂淨
魄抱守仙胎理明萬慧至闕真齋時時微妙
幹運三台自然無作平善無乖天心正法不

愛人財弟造諸愆能消舊災一頓通教二氣
難理三寶鍊成四位安排五行之外六出
咄七情陰盡八卦明坎九天昇入十極蓬萊

又

得到七十更有一紀得盡天年古今有幾頓
修性命好事無比進真上仙退道下鬼大達
清通無讚無毀不侵利害真無憂喜開看三
教徹通至理出離苦海神丹到彼累功積行
美之又美

又

觀今視古幾人肯悟休論出家且如龐許生
在中華道德難過父母之前真本甚處認得
希夷倒顛為免妙達自然清平仙舉要修大
藥何方好住洞天不遠携雲閑去巨靈不老
幻軀有數命耀光圓無來無去

又

至道希夷今古誰知陰陽之外覺妙幽微道
離空色無為應為清真弟變便是實梯自然
顛倒運坎迎離忘情保命皓月無虧白雲來
往信任東西要調赤鳳真抱烏龜萬偽識破

外似憨癡只揚人美常搜已非頓忘情愛意
没高低

又

真仙術用靈龜調鳳把攪陰陽虛無妙用萬
景叢中無靜無動曾住京華混世忘夢道德
希夷古今誰奉一顆神珠自然拈弄都監同
監上呈拙頌道家清平所慮辱寵大羅聖降
異香風送

又

近醜人聽戒掌身辭苦已無私得些功行若
犯天條年災月病應物忘塵寸靈如鏡更神
暗察念念心正去憎盡愛清通平等要免輪
回歸依賢聖

又

巨海謙低萬孤清歸至道無形妙出毫肩湧
泉智慧得意忘知願其保命今古誰依寂寥
無變便是霄梯京華混世獨樂希夷自然達
理無悟無迷煩明三教更有何疑藕在泥中
蓮出青泥應化忘言無為應為修行真值外
貌如癡氣神相見結坎迎離世無肯省却隱

清溪周天十二閑飲刀圭昔年雲步曾歷關
西恰似童稚白髮來催神仙未了鬼使難追
鍊成魄魄寶鑑無虧陰陽之外烏兔常隨任
他人世說是言非洞天不遠到者實稀萬愆
供淚未免輪回

又

知空塵去無爭真悟念道清平拂盡愁慮愛
者不愛高真見許覺性明常寸無喜怒莫言
非是閑談今古生在中華早尋仙路忘情保
命清通子母

余不從酬贈

辛酉歲下元濱州放錄立余為度師
聖經符籙太上為師五師假度萬物無私深
藏三寶終始一時古今仙賢箇箇具慈道傳
微妙瞬目揚眉磨開慧劍靈鎮地龜中邊一
弗達理無疑常讚人美只搜已非盡除我相
德歸謙卑真平至行抱一無離住行坐卧運
坎迎離知白守黑不讓圍碁自然萬慧明者
實稀靈丹一粒罪病都醫修克性命鬼使難
追真無喜怒碧漢霄梯認得真容勝禮牟尼

鍊成七寶免販行屍救生拔死閑樂希夷天
條莫犯國法遵依了真道親似月無虧隱光
混濁外若愁癡洞天吟詠詩曲欣題松前石
畔神欲刀圭因何厭世無箇真依休昧方寸
賢聖暗隨去惡忘貪更沒災危出離五道免
了披皮朝元路上體掛仙衣海變桑田巨貌
無衰陰陽之外生滅難催應為功德福過須
彌授傳敬信下手休遲清靜到頭功有高低
上昇天堂下免陰司世迷情愛氣斷是誰如
塵似許承免輪回

又
真人大師未敢容易久聞至德清名無比廣
積洪禧昔年混世福地洞天也曾雲水磻石
松前烹鉛鍊已內功預了古今有幾頓悟歸
依蓬萊一會

又
人間世愛應景芬芳仙家美景四序有常覺
花無謝隱在中央天香墜落自然異香慧眸
能見別是重陽蓬壺闕死不謝真光雲亭仙
樂不讓高堂乘風要去却到仙鄉各全功行

慢慢休忙

又
處玄到州不要恁到各各念道始終常好會
上每月不得求告三請不來不要有悞却生
真恐死參閻老無罪歡樂勝食苦惱天元將
盡難達正教肯信余言真遊蓬島

又
甲辰登郡黃籙重與昌陽感應晝見明至祖
師預顯下元文登白龜蓮觀真異分明賞聖
官題昇化南京四友守墳曾近上清同后五
載雲水開行天元將盡未得真寧承鉛鍊就
別有真形

又
上敬奉三教道眾并述懷
萬經頓悟清靜功夫具要道成至死如初寸
靈明了外貌若愚夏涼冬暖閑看仙書松筠
石畔自在清居萬愁不遣舊業消除鍊成三
寶蛻下凡軀越却輪回昇入虛無大羅朝聖
永住天都
又
自揣難當廣惠道種我無功行動德從長少

貪念欲增福安康田蠶要廣悟費省亡時時
煎熬日日無常不修性命金寶多藏惡業將
去財與兒郎真心頓覺做假丹陽救生拔死
德徧十方厭居人世昇入仙鄉

又
子孫成行大限難替今古人間悟者有幾苦
海漂沉無箇超彼萬中未有一人無毀心違
道德只爭名利弗修性命怎免下鬼去盡貪
嗔神仙估計大限臨頭猶然戀世

又
名山書院閣掛琴劍萬卷聖經忻時頌檢自
然達理了真靈驗松峯霞洞世偽好閃閃高卧
磻石清居未占意想名利難越巔嶺古不烈
士磨開一點迸出靈珠現出光焰燒見亘容
道有頻漸八卦微通色空弗染揚人之美醜
惡却掩功行周圓無思忘念

又
未能出去且如龐許全家了道名傳萬古意
泯貪爭認得烏兔自然之道倒顛子午運理
明真便知宗祖頓覺真常也無捨取其樂清

平玉皇仙舉出離生滅大羅天住功行未圓志堅淡素始終不變聖賢來度三教高真便是師父

又

昔勸諸公先行孝道無事務軒閣着莊老今古人間幾箇明與覺了希夷認得真貌蓬萊雲路行通須到弗造萬怨寸無苦惱意洽天心出言妙教不論他非高真許好不測無常修真宜早得道成仙免參閻老

又

一別貴縣十有三年幼軀衰老真未成仙行未八百功過三千三教歸一弗論道禪見性成佛鍊汞通鉛天道無言聖道暗傳上士飛昇中下延全生在中華難遇天元

又

昔年遊歷曾到嵩陽遠磨西壁九載真忘論大包天微出亮芒陰陽之外越了無常松峯霞洞勝住高堂壺天日月晝夜偏長清平妙用功行圓方火坑出了別有炎涼

又

尋常交易合道兩平應有買賣莫相爭行在刀尺功認斤星真通好事出語如經和睦孝順勝似人情言他醜惡却要休聽心崇至德外應虛名真生敬信保命通靈抱道真常免墮幽冥他年歸去蓬島遊行

又

朝參暮禮常戴名香清平福德勝論仙方戒殺生靈合宅安康悟道意闊迷俗心忙不造陰罪便見天堂松筠為伴四序炎涼瑤臺閣死要去休忘真無星礙得到仙鄉

又

無能無德厚禮難當遠相接近獻瓊漿尊官二姓共是重陽功成名遂却慕仙鄉人間萬事頭覺俱忘道性真通汞庫鉛房蓬萊雲路別有清涼

又

天道難言命住先傳休生愛欲鍊就汞鉛出雜物我抱道通仙行全八百功滿三千靈峯洞外閑對林泉常養淡素意遠腥羶琴書為伴高卧雲煙他年歸去獨步朝元

又

明真之醮所料緊要屬拔先靈各領管了休問使錢共用多少收支無私置曆二道臨醮眾人戒欲為妙且遠腥羶縱意壽夭吏神暗察罪福非小近醮朝真不得喚叫高功道法顯揚大教所篆符籙眾職明曉追薦文字未光耀休分晝夜俗事除勒

馬姑到東萊州近二載滿郡未道之家各見敬愛却要去都下所言有些

小事未了中秋旦後相辭信筆數言

自知未達曰

大道無為真應有為無形有相福行施為不造萬惡頓覺真為不貪萬有物外清為不生萬惡應化善為不起萬憎應化德為道關萬理應化賢為世明萬信應化經為金剛四句應化禪為周易造化應化卦為道德五千應化修為十方三界三教廣為萬法無分天下敬為上報四恩無為不為

又

無修有修無為應為無著無離無大無微無
憎無愛無是非無增無減無高無低無收
無取無消無廢無中應物無慮無機自然顯
倒言東悟西見喜却怒許省是迷道無形體
無想無知真常無變無妄無疑無來無去實
漢之梯無動無作運坎迎離無情巨貌嬰托
相隨無物之象古今明稀藕在水中道染出
泥既超彼岸丹陽教依

又

真隱遠陽敬奉丹陽萬事無心漸得道陽盡
惡常善達理明陽寸無貪爭體變真陽碧天
青瑩光顯太陽寶光無缺混合陰陽命清無
漏火鍊靈陽自然顯倒微妙通陽他年歸去
重禮重陽

又

守道無愆慈目觀天無中妙有未結靈鉛行
全八百功了三千像後縛住迸出光圓冲和
黍米道意如淵自然達理雲水溪邊翠書作
伴自在修仙冬藏雲洞夏卧松軒欣時歌舞
靜看詩篇披却頂笠終始真賦古今達者清

隱高賢

又

昌陽石嶺有塔善敬茅屋仙居禮參大聖道
論陰陽釋明見性文宣五常外應百行萬法
千門無分平等盡除憎愛真無罪病不犯天
條達理歸正真齋真戒身心清靜只修道德
利名休競去惡冲和忘情保命天瑩光圓勝
如入定至妙希夷絕其視聽古往今來幾人
頓省賢聖虛空化世應影金剛四句善通敬
頂了一去朝上清真境

又

身似環場四面生光無中明有真悟丹陽妙
通恍惚自然真常口應聲隨俗念俱忘世無
知音幽閣潛藏茅舍清居勝住高堂蓬萊雲
路要去休忙盡天妙景晝夜非常花開不謝
闕苑仙鄉海變松枯未免丘荒養成道體體
掛雲裳大羅歸去朝現天皇

又

方寸無塵靈真如鏡應物明通至性保命調
和道氣念無罪病苦處爭先一切平等依此

行持便是功行縛住心猿勝似入定不著有
無俱忘動靜憎愛是非益真可聽美言多邪
清一多正始終弗變了真朝聖

又

去惡善生忘情命生厭偽真生意平德生心
通慧生見道無生盡濁清生陰盡陽生性定
先生敬參應生大慈救生道用微生

又

既慕林泉耕透靈田苦形心盡保養真鉛松
前石畔睡了熬煎貪爭速却達道通仙隱居
世外高卧雲軒自然應變妙慧觀天理明釋
藏不讓參禪開窮三教得意忘言

又

上士無爭應物常平不貪外寶道合真靈理
明正教敬信來聽方圓隨順救死哀生有心
忘世無意身榮六銖天賜換却偽形完全功
行勝殫聲名了真歸去朝現三清

又

萬事知空頓忘人我外應福行無為成果真
通柔弱妙明降火靈耀常看金闕玉鎖自然

有作住行坐卧别開道眼送出珠顆開裏無
心性如蓮朵理達希夷古今幾箇體變純陽
蛇形無墮

又

身混世境不動真靜幹運丙陽自然煥炳道

慧通天寶光如鏡應物德全達無罪病妙覺
真常破妄歸正氣神相見命住性定水善清
柔貫透剛硬上士無爭非是莫聽盡除憎愛
寸靈平等萬萬學道一二頓省弗思美膳乞
覓餘剩貧裏藏真他年朝聖

又

清靜真功應物微道身似藕根心是蓮宮白
雲出岫自在空中妄言獨氣口應如響至明
樞要不與世同弗辨有無道性和冲俊後既
定伏住虎龍自然了了彼岸靈峯養成三寶

外若貧窮他年厭偽開伴森松

又

昇降敬奉莫動人眾只據會下錢少為從各
家艱難依平儉用天人暗察心休錯用無私
禍多有愆罪重

又

節欲少病真平積行念道忘塵心猿縛定萬
鎰黃金難買性命三教歸依慧光漸瑩做
許龐真昇朝聖

又

觀名集仙上發九天位列三清法離二邊藏
經萬達化愚變賢自然之道鍊汞烹鉛行全
八百功了三千

又

道念寬慈世智克狠積業如山陰公忘惡
病纏身鬼使喚緊罪沉幽冥對前引

又

世偽非堅莫縱心猿修真出有免了熬煎清
平樂道舉意通天常善鍊汞泯情烹鉛行全
八百功累三千古今達士依慈昇仙

又

念道忘俗命全無欲為惡不造自然清福松
峯樂性調和金玉寶光無缺烏生三足希夷
明妙霞友相逐

又

失隨傍生得通賢聖迷沉濁穢悟全清靜碧
天似水象明如鏡窮盡千金難醫心病服了
刀圭道洽性命

又

但見女男如觀父母意順三毒身受萬苦知
空厭世雲霞為侶出了陰陽性超寒暑氣結
神靈真明千古道樂清平無為仙舉

四言絕句

治政清通為官忠孝節欲身安他年蓬島

又

有緣再遇重到東州外應因果內隱真修

又

人到如見難當敬獻念道思真開看經卷

又

已未新秋處暑清且卧化超昇真歸霄漢

又

尊體安樂別有期約忘塵念道真通靈藥

又

無內修功應有積行道意通天一真得定

又

德助榮新我管功匠埽瓦燒成再去重訪

又

既悟修仙觸處無煙心清得道苦志常堅

又

修行日用去除憎愛降伏心意應變通解

又

掩非和衆清通日用要全性命俊猿莫動

又

氣清無我妙用真火燒見亘初結成金果

又

多憎傷行多事傷神多欲傷命多迷亂真

又

事少心靈念少無拘明少多愚濁少通書

又

妙道希夷無著無離自然明了賢聖皆知

第三

十八

仙樂集卷之三

仙樂集卷之四

神山無為應緣長生子劉處玄造

第四

詞

上節使同知泊官衆道友并口號

物物心休道眼開 胎仙養就泛瓊盃

自然頭醒陰陽外 跨鶴真昇難再來

江神子

道心不與世心同悟知空物塵容遠理明真

應變自然通憎愛是非俱不染遊福地伴松

峯 鍊成鶴體碧霄中任西東訪蓬官出了

陰陽仙壽未無窮海變松枯真不朽超三界

從仙翁

今日瓊林花正開 十分真樂飲三盃

通運酩酊何方去 蓬島仙鄉去又來

上平西

想百年如一夢幾多時妙希夷只是些兒諸

公肯信日常萬物意無私住行坐卧真平等

應變真慈 崇仙道明仙理通仙妙謝仙師

在靈峯閣採靈芝洞天清隱周天十二坎迎

離三田功滿朝元去却蛇行展

又

到仙園松筠翠牡丹紅樂清歡幾箇人同且

忘世夢轉頭萬事一場空月圓月缺如憂喜

悟愛心慵 真閑好得閑趣通閑妙覺閑通

運卦又識祖明宗許君龐氏了然先到碧霄

中諸公依此崇真道蓬島相逢

又

戀恩親恩生害死難逃氣不來身所荒郊改

頭換面輪回敗骨幾千遭世華非堅如石火

火宅囚牢 任雲水登雲路遊雲外詭雲濤

厭錦衣喜掛麻袍清平道德修完性命隱蓬

茅他年蛻殼朝賢聖名列仙曹

又

想人生老與少似春秋恰幼年却變白頭莫

爭空假無常氣斷卧荒丘大都三萬六千日

多病多愁 崇真道敬真聖明真理了真修

侍二尊至孝全周全家拔宅功成同去到瀛

洲出離生死無來去闕苑清遊

滿庭芳

三十年間幾番寵辱細思往事慵言也曾賺